



Minggu, 15 Agustus 2021
Ogen: Keluaren 14: 26-31



Tuhan Sinampoti



Kemerdekaan/kebebasen eme hak kerina bangsa (manusia). Tapi tuhu melala denga bangsa si itindas bangsa si deban, bangsa e ikuasai bangsa si deban, rate-ate bangsa e man bana. Seh maka amin gia bangsa e erpempin, labo lit hak pemimpin bangsa si ijajah e pe guna ngaturken bangsana. Sabap ia pe i bas pengaturen bangsa si njajah ia. Bage me bangsa e nggeluh alu tetap ikungkung bangsa si deban alu batasen-batase hak i bas kegeluhenna. Tuhu labo sikap jadi bangsa terjajah, bangsa si i teruh kuasa bangsa si deban.

Hakekat kebebasan i bas diri manusia e mahanca tiap bangsa e tetap mperjuangkan kemerdekaan/kebebasenna. Bagi Bangsa Israel asum ia i Mesir, ntabeh pe perpangenna, sikap pe perpanna, pertunduhna tapi adi status pe bangsa jajahen tentu melala ketersinggungen si jadi i bas ia itindas kalak Mesir i bas pendahinna dengen erga dirina selaku bangsa Tuhan. Emaka terus nge bangsa e mperjuangkan kebebasenna alu erbage cara ipimpin Musa si enggo ihunjuk Dibata guna mimpin bangsa e ndarat i Mesir nari. Kenca tulah/ukumen si terahir (pesepuluhken: Kematen anak sintua kalak Mesir) ibebasken Firaun me bangsa Israel e. Alu "terburu-buru" ia kerina kiam nadingken Mesir ope denga robah ukur Firaun. Pengarak-ngarak Dibata si serta i bas perdalinenna mahanca ia selamat mentasi lawit si mbelang. Si la mungkin terukuri logika manusia. Tapi em pengarak-ngarak Tuhan i bas kegeluhenna. Asum bangsa Israel mentasi lawit e, enggo bagi lingling arah kawes kemuhenna. Tupung seh ia kerina ku bas ujungna lawit e, rehen me tentera Mesir. Emaka asum ipepinter Musa tanna i babo Lau bagi si iperentahkan Dibata, ersada mulihkan lau e dengen tentera Mesir gedap kerina bas lawit e. Bebas me bangsa Israel e guna nerusken perdalinenna ku taneh si enggo ijanjiken Dibata man bana. Jelas kal Dibata si nampatisa. Kai si inanami bangsa Israel min nambahi Kniteken man Tuhan.



[The main body of the page is a large, blank white area with a wavy top edge, intended for writing.]